

Gih Raeuz Gak Cuz Ginzchung Angq Yawj Aen Daihhoih Angqhoh Swcigih Laebbaenz 60 Hopbi

□ **Danz Gaijhingh daengi**

12 nyied 10 hauh banringzgvaq, Aen Daihhoih Angqhoh Gvangjsih Bouxcuengh Swcigih Laebbaenz 60 Hopbi youq Gvangjsih Dijyuz Cungsime gawjbanh. Ngoenz haenx, gih raeuz gak dieg gyoengqvunz Bouxcuengh, Yauzcuz, Dungcuz, Myauzcuz, Mauznanz, Mulauj daengj vunz saujsu minzcuz daenj ndangdaenj ndeiyawj, comz youq giz ndeu, souyawj gij cigbo daihhoih, angqvauvau dwk angqhoh ngoenzciet hungmbwk neix.



▲ 12 nyied 10 hauh, Yungzanh Yen Cangzanh Cin Anhningz Cunh Mbanjdabauz gyoengqvunz Myauzcuz cingq angqvauvau dwk yawj densi cigbo Aen Daihhoih Angqhoh Gvangjsih Bouxcuengh Swcigih Laebbaenz 60 Hopbi.

(Danz Gaijhingh ingi)



▲ 12 nyied 10 hauh, gyoengqvunz Dungcuz youq Sanhgyangh Dungcuz Swciyen Linzhieh Cin Bingzyenz Cunh Mbanjyenzcai baihnaj laeuzgyong hai soujgih angq yawj densi cigbo Aen Daihhoih Angqhoh Gvangjsih Bouxcuengh Swcigih Laebbaenz 60 Hopbi.

(Gungh Bujgangh ingi)



▲ 12 nyied 10 hauh, Yungzanh Yen Cangzanh Cin Anhningz Cunh Mbanjdabauz boux Myauzcuz Fung Cunghli (gyang) youq gwnz soujgih yawj sihvwnz gvendaengz Swcigih laebbaenz 60 hopbi.

(Danz Gaijhingh ingi)



▲ 12 nyied 10 hauh, Yungzanh Yen Cangzanh Cin Anhningz Cunh Mbanjdabauz boux Myauzcuz Dungj Cuilenz (gyang) youq gwnz soujgih yawj sihvwnz gvendaengz Swcigih laebbaenz 60 hopbi.

(Danz Gaijhingh ingi)



▲ 12 nyied 10 hauh banringzgvaq, Ningzmingz Yen Aiden Cin giz comzyouq senj dieg buen ranz "Ranzhoh Bouxmbanj", gyoengqvunz Bouxcuengh, Yauzcuz doxcomz giz ndeu yawj densi cigbo Aen Daihhoih Angqhoh Gvangjsih Bouxcuengh Swcigih Laebbaenz 60 Hopbi.

(Couh Yizgangh Luz Yijbungz ingi)

(baihgwnz ciep banj daihroek)

Haenqheiq baenaj roekcib bi, gizgiz va hai giet mak hung. Guengjsae hwnghat roekcib bi aeundaej cingzcik gig hungloet, daegbied dwg gij cingzcik ndaej geiq haeuj lizsij, gij bengwz ndaej geiq haeuj lizsij dangj raeuz Cibbet Daih doxdaeuj aeundaej haenx, cukgaeuq yienh'ok gij swi-sienj Siz Ginbingz sevei cuji miz daegsaek Cungguek seizdaih moq miz ligliengh hungmbwk saedguh, cukgaeuq baijok minzcuz cwngcwz caeuq aen cidu ranghdieg minzcuz gagguenj dangj raeuz miz ndeicawq hungloet, cukgaeuq yienh'ok gij gingjsaek gyaeundei gak minzcuz daih doxgiet.

Aeundaej doenghgi cingzcik neix, dwg miz Dangjcunghyangh, Gozvuyen daiqlingx cingqdeng cij aeundaej, dwg miz gak bouhmonz cunghyangh caeuq gak beixnuengx sengj gih si haenqrengz haeujcoengh cij aeundaej, caemh dwg miz swcigih liggaiq dangjveij, cwngfuj gietcomz daiqlingx daengx gih gak cuz ganbu ginzchung caezsim haenqguh, haenq-heiq baenaj cij aeundaej. Youq seizneix, raeuz engqgya laegdaeuq

roxnyinh, cijmiz dingjmaenh Cunghgoz Gungcanjdangj daiqlingx, dingjmaenh byaij diuz roen sevei cuji miz gij daegsaek Cungguek, dingjmaenh aen cidu ranghdieg minzcuz gagguenj, dingjmaenh couqmaenh gij eijsik caezcaemh aen Cunghvaz Minzcuz ndeu, cijndaej saedyienh Guengjsae hwnghat baenaj, cijndaej saedyienh gak minzcuz doxgiet doxhuz, mboujduenh haicaux Guengjsae daengzcog engqgya gyaeundei.

Gak bouxdaeuz, gak boux hekgviq, gyoengq dungzci, gyoengq baengzyoux! Youq mwh Gvangjsih Bouxcuengh Swcigih laebbaenz roekcib hopbi neix, Siz Ginbingz cunj-suhgi cienmonz sij le gaiq baiz "Cauhlaeb Aen Gvangjsih Gyaeundei Saedyienh Aen Loqsiengj Fukhwng" daeuj hoh, dak yiengh cuknyienh ceiq gyaeundei, yiengh maqmuengh ceiq naekna hawj Guengjsae. Neix dwg cunj-suhgi aen haucauh hungmbwk heuh Guengjsae byaij haeuj seizdaih moq, ndwn daengz giz haidin moq, saedyienh yathamj moq, dwg naihsim son'gyauq Guengjsae raeuz aeu cunjgez ndei, yinhhyungh ndei, hwnghat ndei

gij gingniemh guh ndaej baenz minzcuz doxgiet baenaj, naekna daengqgak Guengjsae caeuq daengx guek gak cuz yinzminz caez sim, caez byaij, caez hwnqbaenz aen biengz cienzmienh siujgangh, vih Guengjsae youq seizdaih moq hwnghat mingzbeig vixok le aen fuengyiengq baenaj, veh ok le mbaw lamzdoz hungmbwk, daezok le iugouz engq sang. Raeuz itdingh aeu geiqmaenh gij daengqgak cungsuhgi, dawz gij ndiepmaij gvansim cungsuhgi caeuq Dangjcunghyangh bienq baenz gij ligliengh hung'ak doidoengh daengx gih gak cuz yinzminz rengzrwd baenaj, yaengx sang mbawgeiz hungmbwk gij swi-sienj Siz Ginbingz sevei cuji miz daegsaek Cungguek seizdaih moq, giengiet hengzguh gij sawjmingh moq "sam daih dinghvi", haeujlaeg gvancez gij iugouz moq "haj aen netsaed", haeujrengz dwk hingz buenz geiz hailangh hwnghat neix, hoenx ndei ciengz ciengq dawzcini duetgungz neix, doeksaed aen iugouz boiqhab hwnghat neix, gikhoengh gij doenghlig gajgwz cauhoq neix, fazveih ndei gij ak swngghai vanzging neix, ca'ndei aen dangj gensez cunj

baucang goekgaen neix, roengzrengz hwnqguh Guengjsae ndaej engqgya mwnhoengh fouqmiz, engqgya hailangh cauhoq, engqgya doxgiet doxhuz, engqgya gyaeundei vuenyungz, caen-cingq maenh'ak hwnjdaej, gyaeundei hwnjdaej, hawj Dangjcunghyangh cuengqsim, hawj daengx gih gak cuz lwgminz habhoz.

Eu fwen eu mbouj liux, aen dangj laeg lumj haij. Raeuz aeu engqgya gaenjmaed gietcomz youq seiqhenz aen Dangjcunghyangh aeu Siz Ginbingz dungzci guh haedsim, mbouj lumz simnduj, geiqmaenh sawjmingh, maenhsaed doicaenh aen saehnieb hwnghoengh Guengjsae sawj lwgminz fouqmiz, haenqrengz sij ok bien faenzieng moq Guengjsae youq seizdaih moq hwnghat, vih cauhaeb aen Gvangjsih gyaeundei, saedyienh aen loqsiengj fukhwng bae roengzrengz haenqguh!

Hoh aen guekcoj hungmbwk raeuz mwnhoengh hwnghuengh!

Hoh daengx gih gak cuz lwgminz vuenyungz an'onj!

Hoh Guengjsae ngoenzcog engqgya gyaeundei!